

Diishii

Description

Kutaa darbe keessatti sababoota erga fooyyaanii booda duubatti akka deebiin nama taasisan keessaa tokko fedhii lubbuu hordofuu akka taane ilaalle jirra. Wanta fedhii lubbuu daangaa darbe akka hordofan nama taasisan keessaa tokko: wanta ijaan ilaalaniidha. Namni haraama yoo ilaale, keessi isaa ni gubata, erga fooyyaane booda duubatti deebiina. Meeshaaleen teknolojii yeroo ammaa balbala haraamaa daran balanisii jiru. Meeshaalee kanniin keessaa diishiin ni eerama. Diishiin wanta golboo fi adii taane ala ykn xaaraa manaa irra godhamuun TV ittiin ilaalaniidha.

Meeshaan kuni (diishin) musiibaa hundarra guddaa ummanni Islaamaa itti qorame keessa tokko akka taanetti ilaallama. Meeshaan kuni namoonni baayaneen fooyyaaninsaa booda duubatti akka deebiinaniif sababa taaneera. Sheyxaanni diishiin kuni mana keessa akka seenuuf karaalee baayanetti fayyadama. Gama oduutiin isarraa akka fayyadaman itti mul'isuun jalqaba. Wanti ani jala muree dubbadhu, namoonni meeshaa kana manatti galchan gama kana (kana jechuun gama oduu dhageefachuu) xiyyeeffannoo homaatu itti hin kennan.

Balaan meeshaa kanaa wanta warri chaanalii facaasan irraa kan madduudha. Wanti isaan facaasan wanta fedhii saalaa kakaasuu fi fiilmi gadi bu'aa fedhii lubbuu dhokataa sochoosudha. Sababa kanaan namoonni fiilmi kana ilaalan fedhii isaaniitiif hidhamtoota taan. Ajaja Rabbii **â€œIja gadi qabadhaaâ€•** jedhuuf hin bulan. Akka ajajni kuni isaan hin ilaallannetti fi isaaniin ala nama biraa akka ilaallatu gochuun yaadu. Dargaggeessa meeqatu masjiida keessatti Iaanitikaafa kan taa'uu turee ergasii meeshaa khabiisa (diishii) kana biratti Iaanitikaafa kan taa'uu taane.

Namoonni kunniin dhuma ilaalchaa osoo itti yaadanii, silaa kana hin hojjatanii turan. Rabbiin oltaan akkana jedha:

قُلْ لِلْمُؤْمِنِينَ يَغُضُّوا مِنْ أَبْصَارِهِمْ وَيَحْفَظُوا فُرُوجَهُمْ ذَلِكَ
أَزْكِي لَهُمْ إِنَّ اللَّهَ خَيْرٌ بِمَا يَصْنَعُونَ

â€œIja isaanii akka gadi qabatanii fi qaama saalaa isaanii akka eegan mu' mintootatti (warroota amananiiti) himi. Santu isaaniif irra qulqulluudha. Dhugumatti Rabbiin keessa beekaa waan isaan dalaganiiti.â€• Suuraa An-Nuur 24:30

Hadiisa keessatti akkana jedhuun dhufee jira: **â€œIlaalcha tokko booda ilaalcha biraa of eeggadhu.â€•**

Sahiih Muslim keessatti akka dhufeetti Jariir ibn Abdullah ni jedha: Ilaalcha tasaa ilaalchisee Ergamaa Rabbii (SAW) nan gaafadhe. Ija kiyyas akka irraa garagalchuu na ajaje.â€•

Obboleeyyan kiyyaan akkana jedha: dhugumatti muâ€™minni dhugaa taâ€™me, daliilaa(ragaa) fi dhoowwan yoo isatti dhufe, wanta badaa irraa ni deebiâ€™a. Meeshaan kuni namoota gurguddoo gara ijjoollatti jijjiree, akkasumas, namoota Islaama qabatan garii duubatti akka deebiâ€™an isaan taasisee jira. Dargaggeessa toltuu fi taqwaa irratti nu waliin ture tokko nan beeka. Nama daaâ€™iwwaniif fakkeenya taâ€™uu fi kitaaba Gooftaa isaa (Qurâ€™aana) haffazuuf wanta dandaâ€™e hunda godhuudha. Yeroo isaas kan karoorsu ture. Halkan salaataa bula, guyyaa soomaa oola. Tasa meeshaan kabiisni (diishiin) kuni mana isaa keessa ni seene. Dhoowwuf ni carraaqe. Garuu tooftaan isaa xiqqaachuu fi maatii isaa biratti dadhabaa taâ€™uu irraa kan kaâ€™e dhoowwu hin dandeenye. Guyyoonni darbuu waliin meeshaan kuni gara wanta badaatti isa masake. Sheyxaanni akkana isaan jedhe: meeshaa (diishii) kana keessa wanta gaarii fi faayda qabutu jira. Wanta si fayyadu fudhuu wanta si hin fayyanne dhiisi.â€• Shakkii baayâ€™ee booda meeshaa kana ni bane. Wanti inni arge isa gowwoomsun itti rakkate ilaalee. Yeroo kanarraa jalqabee meeshaa kana irraa addaan bahuu hin dandeenye. Meeshaan kuni halkan taaâ€™e akka buluu fi salaata jamaâ€™aa akka dhiisu isa taasise. Yeroo filmiin hin jirreetti mana isaatti salaata kan salaatu taâ€™e. Haala isaa kana dhaabu hin dhiisne. Mataa keenyaa fi isaaf qajeelcha Rabbiin irraa kadhanna.

Dargageessi biraa tokko Qurâ€™aana kan haffaze ture. Innis akkuma kana meeshaa kanaaf hidhama taâ€™ee hafe. Ergasii warra gaggaarii irraa addaan bahe. Gargaarsi Rabbiin irraa barbaadama.

Kitaabni kuni maxxanfamuun dura hiriyyaan kiyya tokko naaf bilbilee akkana naan jedhe: haalli ammaa baayâ€™ee badaadha. Namoonni sababa meeshaa kanaatin fooyyaâ€™iinsa booda duubatti deebiâ€™an guyyaa guyyaan dabalaa jiru. ergasii fakkeenya naaf dhiyeesse. Ergasii jecha Rabbii oltaâ€™aa kana nan yaadadhe:

﴿وَنَبْلُوكُم بِالشَّرِّ وَالْخَيْرِ فِتْنَةً وَإِلَيْنَا تُرْجَعُونَ﴾

â€œIsin fattanuuf (qormaatuuf) sharrii fi kheeyriin isin qorra. Garuma Keenya deebifamtu.â€•
Suuratu Al-Anbiyah 21:35

Anis ni jedhe: Shakkii hin qabu dhugumatti kuni qormaata. Kanaafu, dirqamni nurra jiru gorsaa fi yaadachiisa. Rabbiin wanta fedhe hojjata.

Dhugumatti dhimmichi baayâ€™ee balaa guddaa kan qabuudha. Ija namoota keessatti laaffisuu hin qabnu. Fedhii saalaa kakaasu, yeroo gubuu fi obboleeyyan addaan baasu irraa wanta meeshaan kuni baadhatu isaan yaadachiisu qabna. Garuu dhumti isaa maalidhaa?

Miâ€™aan qulqulluun namni argate ni dhumataa

Haraamaan yoo taâ€™e immoo dilii fi salphinnatu hafaa

Xumura ishii irratti buâ€™aa badaa dhiistii

Miâ€™aa boodden ishii ibidda taâ€™ee kheeyrin keessa hin jiru.â€•

“Laa kheyra fii lazzatiin min ba’adiha naaru” (Mi’aa boodden ishii ibidda ta’ee kheeyrin keessa hin jiru.) Kana jechuun badii haraamaa hojjachuun yeroo muraasaaf mi’aa argatan. Garuu mi’aan kuni darbuun adabbii fi salphinnatu hafa. Mi’aa akkanaa keessa kheeyrin homaatu hin jiru. Kanaafu, haraama keessa kheeyrin waan hin jirreef irraa fagaachu barbaachisa. Yoo dogongorarii itti lixan immoo, dafanii tawbachuun, araarama kadhachuu fi hojii gaggaarii baay’isuun, adabbii fi salphinnaa kana ofirraa deebisuun ni danda’ama.)

[Min Akhbaaril Muntakisiina ma’al asbaabi wal ilaaji](#)-fuula 36-39

Date Created

December 18, 2020

Author

admin